

۱۱ ذی الحجہ ۱۳۳۶

چهارشنبه

۱۸ ایلول ۱۳۳۴

ساحب امتیاز و مدیر مسئول حسن کالم

ملت عثمانیه - امت اسلامیہ ایچون مفید
اولان آثاره صحیفه لر منر آچیقدر . درج
ایدلیان اوراق اعاده ایدمان .

مطبعه و اداره خانہ سی : استانبول باب عالی
جوارنده ابوالسعود جادہ سی نومرو ۷۵
اصحاب مراجعاته شریعت آچیقدر

حزب اسلام و فتنه

شیمدیالک هفته ده بر نشر اولنور .

سر محرری : مصطفی فوری

تاریخ تاسیسی ۱۳۲۷ سنه بحری

سنه لك اعتباريله ممالك شاهانه ایچون پشین
اوله رق ۱۲۰ آلتی آلتی ۶۰ فروش
ومالك اجنبیه ایچون ۳۰ فرانقدر

نومرو ۱۴۹

تصوفی ، دینی ، اخلاقی ، ادبی ، سیاسی جریده اسلامیہ در

نسخه سی ۹۰۰ پاره

مجلس مشایخ ریاستندن :

مسالك جلیله صوفیه لك اسات مبارکه سیاه غایت و مقاصد
حسیه سی حقنده طرق عالیہ منتسبین ایلہ بالعموم اخوان دینہ عرفای
امتن بر ذات طرف لرندن موقعا منسب اولان درگاهارده مقابله
شریفه دن اول مواعظ دینیه ایغاسی ایچون مجلس مشایخ قرار یله
طرف عالی مشیختیناهیدن تعیین بیوریلان ذوات و درگاهلرک
اسامیسی بروجہ آتیدن :

حضرت سنبیل سنان خانقاه شریفنده : دارالحکمة اسلامیہ
اعضاسندن حیدری زاده ابراهیم افندی جمعه وقت ظهر، چهارشنبه
حضرت نوری الدین جراحی خانقاه شریفنده : درگاه مذکور اعضاسندن
جودت افندی بازار ایرتسی وقت ظهر، اون قباننده احمد البخاری
درگاه شریفنده دارالافتاء العلیه مدرسه سی مفتش عمومیلرندن نصوحی
زاده مصطفی عاصم افندی بازار وقت ظهر، یکی قبو مولوی درگاه
شریفنده پوست نشینی مجلس مشایخ اعضاسندن شیخ عبدالباقی افندی
پنجشنبه وقت ظهر، ایوبده عزت محمد باشا درگاه شریفنده مجلس
مشایخ اعضاسندن شیخ جودت افندی جمعه کیجهمی وقت عشا،
باب عالی جوارنده صفوقی باشا درگاه شریفنده مجلس مشایخ اعضاسندن
شیخ حسن افندی جمعه وقت ظهر، اسکدارده حضرت هدائی
خانقاه شریفنده : خانقاه مذکور خطیب و کیلی خواجه و یسل افندی
جمعه وقت ظهر، اسکدارده حضرت نصوحی خانقاه شریفنده :
حضور هایون درس شریفی مقررلرندن خواجه ولدان افندی جمعه
وقت ظهر، بشکطاشده یحیی افندی درگاه شریفنده : پوست نشینی
خیری افندی پنجشنبه وقت ظهر، بکار بکنده بدوی درگاه شریفنده :
پوست نشینی شیخ انسب افندی جمعه کیجهمی وقت عشا، قاسم
باشاده حسام الدین عشاقی حضرتلری خانقاه شریفنده : پوست نشینی
شیخ مصطفی افندی پنجشنبه وقت ظهر، سودلیجده حصیری زاده
درگاه شریفنده : پوست نشینی شیخ الیف افندی جمعه وقت ظهر،
طوپخانده قادری خانقاه شریفنده : یحیی کتبخدا درگاه شریفی پوست
نشینی شیخ یوسف صلاح الدین افندی جمعه وقت ظهر، غلطه مولوی
درگاه شریفنده : پوست نشینی شیخ احمد افندی جمعه وقت ظهر،
قاسم باشا مولوی درگاه شریفنده : طاهر المولوی افندی بازار وقت
ظهر، بهاریه مولوی درگاه شریفنده : پوست نشینی و کیلی شیخ احمد
افندی چهارشنبه وقت ظهر، خصکیده بایرام باشا درگاه شریفنده
پوست نشینی شیخ علی افندی جمعه کیجهمی وقت عشا .

جریم حضرت عشقی یکانه ملتجا کوردم
بقا بعدالغنا ، نابود اولوب پیش حقیقته
نعین عالمین وابسته محو وفنا کوردم
فصل جانانیم صفوت که جسم ذره وارمله
جناب ناظم حکمت مرا ، مهر آشنا کورد
صفوت اسکدار

غزل

حازر عین یقین ، لایتمین آراماز
بیلان علویت روحیه سنی ، تن آراماز
ذوق عرفان ایلہ هر صاحب کنجینه اولان
درک سفلی به تنزل ایلہ مخزن آراماز
دل مخزونده دورر ، دورسه خدای متعال
منکسر قلبی سوره ، بشقه نشیمن آراماز
آنحق الهی بر طارف بالله آراز
جاهلک اولسه ده الهی مبرهن آراماز
ابتغا برید انسانه تمسکه اولور
وابتغوا ... سربخی هر دیو برهن آراماز
کیم که ایمانی تحقیقه بتور دیسه بوکون
یارین آواره کبی کندینه مامن آراماز
آریوب بولمالی طالده وصوله بریول
بولی بولمائی یار دل افکن آراماز
سخن اربابی طایبر بر بری معناده
اهل دل ، اهل کمال سخنندن آراماز

سری

عارفانه بر غزل

مجلس رندان عشقه هر زمان دلدا دیم .
صانکه بن بیانه ساقیده قالمش یادیم
کسب ایدر بیچاره کوکام رنگ همتندن صفا .
چونکه بن خاک رهنایه افتادهیم
قائم عالمده بن علویت وجدانه
بودونا بودی حساب ایتمز بر آدم زادهیم
هانکی برکاشانده اولسم اولور بیت الحزن .
نالشم آندن اولور که برزخ دنیادهیم
نائل اولسم رؤیت دیدارینه بدم ضیا
مونی استحقار ایدوب جان ویرمه آمادهیم
طاشکوری : فسطونیلی طارف افندی زاده
ح . ضیاء الدین

دارالحکمة الاسلامیه نیک بیاننامہ

ادع الی سبیل ربک بالحکمة

عصر حاضرده علم اجتماع نقطه نظرندن انکشاف ایتمک باشلایان مسائلدن بری ده مسئله و وجداندر ، یاقین زمانلره قدر یالکز فردیت اعتباریلره تدقیقنه اوغراشیلان وجدانک بوکون اجتماعی شئونانی تثبیت اولمنه و ملئک بروجدان کلی اجتماعی ایله قائم اولدینی آکلاشلمنه باشلامشدر . قدما لسانیلره افاده اولنه حق اولورسه ملکت عد ایدیلان و برشمخصیت معنویه حقوقیه اوله رق ابراز وجود ایدجک اولان هیأت اجتماعیه نیک علت ضروری سی وجدان کلیمسندن عبارت دیمک لازم کله جکدر .

تاریخ ادیان اربابنک تعریفنده اتفاق ایدمه میوب طور دقلری دین مطلق ، ملئک وجدان اجتماعیلرینی اشعار ایدن مبادی کیه در دنیلسه حقیقته تقرب ایدلش اولور . بومبادی کرک حق و کرک باطل هر نه ایسه حد داننده اولملک جهت وحدت حیاتی ، وجدان کلیسی ، دینی اودر . هرملت بویه بروجدان ، بویه بر دین ایله قائمدر . بونک ایچوندرکه دینیمز برملت تصوری تناقضی متضمندر . ادیانی و مبادی باطله هر حالده محکوم زوالدر . فقط مبادی حقه بعضاً ماوراء شعوره آتیلسه بیله ینه دیرایلر . الی الابد دیرایلر .

کلی وجدانلرک تاسی ، وحدود و شعورلرینک تنظیمی ، ونشو و نمالرینک صورت سیری ایشته یشرینک الک معضل مسائلی که علوم مثبتندن هیچ بری بونلره دست حکومتی اوزاده یامشدر . فیلسوفلرک معارضات تمادیه سی ایسه انسانلره سکینت وجدانیه ویرمکدن زیاده ریب و حسابان یوکلتمکده در . بوکا بناء درکه عصر حاضر فیلسوفلری فلسفهدن ايقان بکلینلره قارشى مهاجمانی کیتدیکه آرتیرمده درلر ، حالبوکه موفقیت حیاتیه قوت وعزم و اراده یه بوايسه قوت ايقانه وابسته اولدیفندن تردد و حسابان ایچنده یووارلان وجدانلرک بحراندن باشقه بر اثرلری اوله مایق قدر طبیعی بزشی ده یوقدر . فقط الک اوزاق نقطه لره قدر انتشاره جالیشان حسابانک ، شعورسزلغه نظر آ برخدمت کشفیه سی دخی اوله بیله جکدن ملئلر فلسفه یی حاکم صایمازلرسه . خادم اتخاذ ایتمکدن ده خالی قالمازلر .

وچران اجتماعی حادثاتی اوقدر سیال اوقدر معضله درکه کوکلری تا اعماق تاریخه کومولمشدر . طریق تجربه دن یورون علوم مثبتنه موضوعلری هر زمان مشاهدات فردیه نیک تحت تحکمنه کیره بیلدیکی حالده موضوع اجتماعی ، ادراکات و احتیاسات عمومیه عصرلرجه یاشامش ملئلرک بیله مشاهداتی تجاوز ایدرده حافظه تاریخیه دن استعانه یه لزوم کوستریر . بونده مشاهدک شهود کامله موفقیتی تسلیم اولنسه بیله بالتکریر نتایج تجربیه استحصاله امکان تصور اولماز .

یالوم تکابده تطبیق ایدبله جک حفظ صحت و محافظه نظافت و طهارته دائر تعلیمات

ماده : ۱ درکاهلرک سماعخانه لرله اوطه لرینک و هرجه نیک تنظیمات دائمسنه فوق العاده رعایت اولنه جقدر .

ماده : ۲ درویشان وزوارک اشغال ایدلکاری حجره لرله اوطه لرده دائما صاف هوانک کیرمسی و سیغاره دومانلرندن وارسته قلمسی تأمین ایتمک ایچون هر ایجاب ایتدیکه پنجره لرک و قپورلرک آجلمسنه اهتم ایدبله جکدر .

ماده : ۳ درکاهلرده بولنان مطبخلرده مسولرک و استعمال ایدبله جک قاب و وسائط سائرک و پیشوریلرک موادک هر وجهله پاک و شهیدن آزاده بولنلرینه دقت اولنه جقدر .

ماده : ۴ درویشانک طعام سفره لری ، یک قابلری ، قاشیقلری ، سو باردقلری و سائر استعمال ایدجکلری ادوانک و ایشیه جکلری صویک صوک درجه پاک و هر درلو شهیدن آزاده بولنسنه اعتنا ایتمک و بقدر الامکان آری آری قابلرده طعام ایدلمک و باخاصه چوربانک منفرد قابلره توزیعنه اهتم ایتمک لازمدر .

ماده : ۵ دوداقلر و وجودلرنده شهیلی یاره لر بولنانلرک درویشان آراسنده بولنلرلرلرینه صوک درجه اهتم اولنه جقدر .

ماده : ۶ درکاهلرک هیچ بر طرفنده توکورمک قطعاً جائز دکدر . مشایخ کرام بوخصوصه دائما اهتم و اخلاعاتده بولنه جقلر . ماده : ۷ درکاهلرک دروننده اقامت و بیتوت ایدنلرک سینک ، بیت ، پیره و تخته کله سی کهی مؤذبات و جشرایدن خالی و بری بولنلرلرلرینه فوق العاده دقت ایدبله جکدر .

ماده : ۸ آبدست آلنه جق محللرک و آبدستخانه لرک هر آن تطهیراتنده تکامل کوسترلرلرینه اهتم اولنه جقدر .

ماده : ۹ درکاهلرده بیتوت ایدن درویشانلر هر هانکی بر خسته لغه طوتیلانلر ایچون درحال بهیه طیبیلرینه مراجعت ایدلمک و غریبای مسلمینه مخصوص خسته خانه لره کوندرلک لازمدر .

ماده : ۱۰ اشبو تعلیماتنامه نیک بر صورتلری درکاهلرده مناسب محللرک تطبیق ایدبله جک و حسن تطبیقنه مراکز تکایا مشایخی و مجلس مشایخ مفتشلی طرفندن نظارت اولنه جقدر .

آیات جلیله — جراند یومیه مظلومات موقوتنه کهی رساله ماهیتده اولدیفندن آیات جلیله و احادیث نبویه نیک عیناً درجندن توقی ایله هانکی سورة شریفه نیک قاچنجی آیت کریمه سی اولدیفنه اشارت ایتمک کهی برصورتله اکتفا قلمسی لزومی مشیخت اسلامیه دن وقوع بولان اشعار اوزرینه مقام سامی صدارتینا عیدن داخینه نظارت جلیله سنه تبلیغ اولنمشدر .